



UNIVERSITÄTS-
BIBLIOTHEK
PADERBORN

**Institutionum Juris Canonici Sive Primorum totius Sacrae
Jurisprudentiae Elementorum. Libri Quatuor**

Febeo, Francesco Antonio

Coloniæ Agrippinæ, 1704

VD18 13560743-001

Tit. VII. De Extrema Unctione

[urn:nbn:de:hbz:466:1-63052](https://nbn-resolving.de/urn:nbn:de:hbz:466:1-63052)

remiss. & ex. Trid. sess. 14. cap. 5. & can. 8.

21. Ut autem huic gravi præcepto satisfiat, non sufficit Confessio illegitimè facta: quia inter propositiones ab Alex. VH. damnatas die 24. Septembris 1665, una est numero decima quarta, quæ afferet, satisfacere præcepto Ecclesiæ illum, qui facit Confessionem voluntariè nullam. Imo cum per idem præceptum principaliter præcipiatur peccati mortalis confessio, si quis faciat Confessionem de solis venialibus, quia illis dumtaxat gravatus est, sed postea eodem anno in aliquod peccatum mortale incidat, tenetur intra eundem annum illud peccatum mortale confiteri, ut tamquam certum tradit Castrop. tract. 23. puncto 20. §. 3. m. post plures quos ibidem citat..

T. I. T. VII.

De Extrem. 1 Unctione.

1. Hæcenus de iis Sacramentis, quibus ex institutione Christi habetur ingressus, & progressus in Vita Christiana: consequens est ut de eo Sacramento agatur, quo muniti atque defensi egredimur ab hac vita, unde congruo vocabulo appellatur Extrema Unctio, quia omnium unctionum & Sacramentorum, quæ fidibus conferuntur, solet esse ultimum, & quia

& quia confertur constitutis in extremo vitæ.

2. Instituta est autem Sacra hæc Unctio infirmorum, tamquam verè, & propriè Sacramentum novi Testamenti, à Christo Domino nostro, ut definit Trid. sess. 14. de Sacr. Extremæ Unctionis cap. 1. & can. 1. addens insuper fuisse idem Sacramentum insinuatum apud Marcum; commendatum autem, & promulgatum per Jacobum Apostolum, qui cap. 5. in Epistola Catholica sic habet: *Infirmitur quis in vobis? inducat presbyteros Ecclesiae, & orent super eum, ungentes eum oleo in nomine Domini. Et oratio fidei salvabit infirmum, & alleviabit eum Dominus; & si in peccatis fit, dimittentur ei.* Hæc enim tam absoluta promissio non nisi in institutione Domini fundari potest, quia solius Domini est, signo sensibili annectere infallibiliter gratiam & remissionem peccatorum. Videri potest Bellar. tom. 2. controversiar. in 4. controv. generali lib. 1.

3. Ex iisdem Jacobi verbis, & ex Apostolica traditione per manus accepta infertur quænam sit materia, forma, Minister, & effectus hujus Sacramenti, ut docet Trid. in cit. cap. 1. Materia remota est oleum olivarum, ex Trid. cit. & Flor. in decreto Unionis, quia tale oleum est, quod dicitur simpliciter oleum. Debet autem esse ab Episcopo benedictum, ex doctrina utriusque Concilii in locis civitatis, benedictione diversâ.

versa ab ea , per quam benedicitur Chrisma , quod adhibetur pro Sacramento Confirmationis , pro Consecratione Episcopi , Ecclesiae , Altaris , Calicis , fontis baptismalis &c . cum præsertim Chrisma componatur etiam ex balsamo , ut supradiximus in hac secunda parte Institutionum tit . 4 . num . 3 . oleum autem pro Extrema Unctione nullo alio liquore misceatur . Item debet esse benedictum eo ipso anno in quinta feria , quæ est in Cœna Domini , quo tempore singulis annis eam benedictionem peragi ex traditione Apostolica & statutis Decretalium , testatur Synodus Aquisgran . sub Ludovico Pio Imperatore in cap . 8 . cuius initium est Statutum etiam est : quemadmodum idem etiam fit de Chrismate , juxta textum in c . Litteris : 8 . de consecr . dist . 3 .

4. Materia proxima ejusdem Sacramenti est Unctio ex oleo facta , quæ aptissimè Spiritus Sancti gratiam , qua invisibiliter anima ægrotantis inungitur , repræsentat , ut loquitur Trid . in cit . sess . 14 . de Sacramento Extremae Unctionis cap . 1 . Debet autem fieri cum forma Crucis , ut praxis ostendit , atque etiam colligitur ex cap . Numquid 10 . de consecr . dist . 5 . juncta ibid . Gloss . Item fieri debet in certis partibus corporis , quæ à Florent . in dec . Unionis numerantur septem , videlicet oculi propter vi- sum , aures propter auditum , nares propter



ter odoratum , os propter gustum vel locutio-
nem , manus propter tactum , pedes propter
gressum , renes propter delectationem ibidem
vigentem : quidquid sit utrum omnes , & sin-
gulæ istarum omnium partium unctiones sunt
essentiales , aut saltem de necessitate præcepti
requisitæ de qua re videri potest Suar. tom. 4. in
in 3. disp. 39. sect. 2. art. 4.

5. Forma sunt illa verba : *Per istam Sanctam
Unctionem , Et suam piissimam misericordiam
indulgeat tibi Dominus quidquid Ec.* In qua
forma illud est speciale, quod fiat per verba de-
precativa , cum in reliquis Sacramentis fiat per
indicativa, ut puta Sacramentum Pœnitentiæ
fit per verbum *Absolv te Ec.* at Sacramen-
tum Extremæ Unctionis per verbum *Indul-
geat tibi Dominus , quod est deprecativum.*
Ratio hujus est ipsa Christi voluntas ita hoc Sa-
cramentum instituentis , quam Ecclesia coi-
git ex illo Jacobi Orent super eum. Nec et-
iam deest ratio congruentia , quam rectè no-
nat Suar. in loco supracitato : quia scilicet hoc
Sacramentum ordinatur ad obtainendum per
modum indulgentiæ id , quod in iudicio
Pœnitentiæ obtineri non potuit per modum
justitiæ , propter imperfectam hominis satis-
factionem , vel dispositionem. Unde quia ho-
mo infirmus jam est quasi viribus destitutus ad
satisfaciendum; ideo exoratur Deus, ut remittat

f



Si quid post Sacmentum Pœnitentiæ residuum est.

6. Minister hujus Sacramenti est solus sacerdos, juxta Trid. in cit. sess. 14. cap. 3. & can. 4. de Sacram. extr. *Unctionis*, quod etiam colliguntur ex illo Jacobi *Inducat presbyteros Ecclesie*. Quinimo ut non solum valide, sed etiam licet idem Sacmentum conferatur, debet ministrari ab habente jurisdictionem non impediatam supra infirmum, puta à Parocho, vel ab habente licentiam à Parocho, ut colligitur ex Clem. i. de privileg. Quod tamen intelligitur communiter à Doctoribus, teste Castrop. tract. 25. disp. unica punc^to 7. n. 5. extra casum necessitatis: Si enim Parochus præsens non sit, & infans periculum mortis non permittat obtineri licentiam à Parocho, docent ministrari posse extremam unctionem à quolibet Sacerdote, qui non sit excommunicatus, aut suspensus.

7. Subjectum capax ejusdem Sacramentis suscipiendi est omnis homo baptizatus, qui sufficienter usum rationis habeat aut habuerit, & sit in gravi infirmitate, unde Medicorum judicio censeatur esse in vita periculo constitutus. Ministrari enim hoc Sacmentum non potest iis qui Baptismū non acceperunt, cum Baptismus sit reliquorum Sacmentorū janua, vitaq; spirituallis, ex Florent. in decreto Unionis. Item ministrari non potest Infantibus, aut perpetuo a-

men-



mentibus, ut ostendit praxis Ecclesiæ, & clarè deducitur ex fine hujus Sacramenti à Synodo Tridentina declarato in cit. *Sess. 14. de Sacram. extrema Unctionis cap. 2.* Institutum enim est ad superandam luctam, & tentationes dæmonis, ad sublevandum hominem inter molestias ægritudinis, & ad delicta, si qua sint adhuc expianda, peccatique reliquias abstergendas: quibus omnibus non indiget Infans, aut qui perpetuo amens fuerit. Demum ministrari tantum potest Infirmis, de quorum morte timetur, ut clarè colligitur ex illo Jacobi *Infirmitur quis in vobis?* &c. ex Florent. in Decreto Unionis, & ex Trid. in cit. *sess. cap. 3.* Inde fit, damnatum ad mortem, aut alia ratione morti proximum, si tamen corpore sanus sit, non esse hoc Sacramento muniendum.

8. Effectus hujus Saeramenti est gratia Spiritus Sancti, secum trahens auxilia prævenientia, quibus ægroti animus alleviatur, & roboratur tum ad fiduciam de Divina misericordia concipiendam, tum ad levius ferendos morbi labores, tum ad facilius resistendum temptationibus dæmonis, ut nuper diximus ex Trid. in cit. *cap. 2.* Rursus effectus hujus Sacramenti est remissio peccatorum, si forte infirmus sit illis gravatus, eorumque remissioni non ponat obicem, juxta illud Jacobi *Et si in peccatis sit, remittentur ei.* Alius denique ejusdem effectus est
ipius

ipsius corporis sanitas , si ea sit saluti animæ expediens , ex Florent. & Trid. in locis supracitatis.

9. Obligatio ad hoc Sacramentum suscipiendum non est tanta , quanta ad suscipiendum Sacramentum Pœnitentiæ & Eucharistiae : unde tempore interdicti generalis , quamvis concedatur morientibus Pœnitentia sacramentalis , & Eucharistia , non tamen conceditur Sacra Unctio juxta textum in cap. Quod in te ii. de pœnit. & remis. Si tamen absque causa omittatur , aliquod peccatum est , quod etiam erit gravissimum ; si aliquis contemptus intercedat , aut aliquod scandalum ex ejus omissione generetur ; si præsertim Infirmus suscipere non possit Sacramentum Pœnitentiæ , & Eucharistiae , & aliunde sufficientem dispositionem habeat ad Sacramentum Unctionis recipiendum: quia in articulo mortis tenetur quis eo meliori , quo potest modo sibi consulere ad remissionem peccatorum obtainendam. Videri potest Cas. strop. tract. 25. disp. unica. punto 8.

T I T. VIII.

De Sacramento Ordinis.

1. A Esolutis iis quæ pertinent ad Sacraenta necessitatis , Sacraenta voluntatis aggre-

